



Tuhaayaghat

Tuhaqtitaunariqtughat

QEC atauttimuqtut angirutaanit angiqtauhimayut

IQALUIT, Nunavut (Niqiliqivik 18, 2017) – Una Nunavut Kavamanga (GN) unalu Nunavut Havaktuliyiyit Katimayiita (NEU) angiqhimayaat haffumani nutaanguyuq hitamanit-ukiukhamut atauttimuqtut angirutaanit amiriyangit avatquttunaqhivauk uumani Qulliq Alruyaktuqtunik Ikumadjutiit (QEC).

“Hamnauyuq hivituyumik qaangiqtaulluaqtangit haffumani QEC havaktiingilu”, uqaqtuq Johnny Mike, Ministauyuq amiriyangit haffumani QEC. “Una angirutauyuq ilitarihimagangit ihumagiyangit amiriyangit hamna QEC havaktiita iniliuqhimavaktut hivuuranaittumik piyumayauqtaangit qulliliqinikhanut ikayuqtut nunallaanut, taimaa ikayuinnaqhugit hamna kuapuriisan hivunigivlugu hivituyuraalungmik-hivitunikhaat angikliktiqhimayut akhuuqhutik aulavikhangit ihuaqtumik.”

Una nutaanguyuq angirutaat, taimaa atiliuriiqhimayauyuq uvani Ubluqtuhinia 1, 2017 mi, inirlunilu Ubluirvia 31, 2020 mi, ilaliutiqaqtumik: havaanut akiliakhat angikliktiqhimayut uumani malruk pussatigut haffumani 2017, uumani atauhiq pusaatigut haffumani 2018 mi 2019 milu, unalu malruk pusaatigut 2020 nut.

“Una hitamat-ukiukhamut angirutaat nakuuvluni tamarmik haniraagut havakhimmaarluaqpaktut tukiqarnaqtumik qilamiuqtumik. Quayagitaktara uumani kingullianut,” uqaqtuq Keith Peterson, Ministauyuq amiriyangit haffumani Kavamaliqinirnut Ikayuutikhanut Maligaq.

Aahiit hivunigiyait haffumani angirutaanit ilaliutauvlunilu nutaamik havaariyakhaat parnautikhait uuminngat angikliktiqhimayangit ahiittuq havaguillarningit akikhait hamanngat hitamauyut tallimmanilluunniit ublunganit ukiumi atuqtangit, ilaliutigivlugulu nutaamik ilaliutikhait ahiittuq havaguillaktumik, ikayuutikhait havaktunut turaaqtauhimayut hivayautikkut qaritauyakkut turaarutaanit havaguirnaqhiraangat, qilamiuqhugillu hivunngani-ihumaalungnigut aivaqatigiikhimayut uqariinikhanut.

Tugliriyangit katimaqattautigiyangit aivaqattautiyangit piliriangit ukunanngat GN unalu NEU uvani Imaruqtirvia 2017 mi, QEC’p atauttimuqtut katimayiit niruaqhimayangit naammagivluniuk angirutaanut.

Tukiliutingit haffumani nutaanguyuq atauttimuurnikhangit angirutaat naunaiqhiinahaqtut uvani www.qec.nu.ca/about uvanilu www.gov.nu.ca/finance/information/collective-agreements piyariiqhimakpat.

Tuhagakhaq Turaarutaat:

Sheila Papa

Atannguyaq, Kuapuriissat Tuhaqtittiit

Qulliq Alruyaktuqtunik Ikumadjutiit

867-979-7534

spapa@qec.nu.ca

Denise Grandmaison

Atannguyaq, Tuhaumatittiyini

Kiinauyaliqiyit Pilirivvik

867-975-6818

FinanceComs@gov.nu.ca

ᐱᑭᑦᑕᑖᑖ ᑉᐱᓴᓴᑭᐱᑖᑕᑕᑖ ᐱᓄᓄᑖᑕᑖᑕᑖᑕᑖ ᐃᓄᓄᑖᑕᑖᑕᑖᑕᑖ, ᑖᑕᑕᑖᑕᑖᑕᑖᑕᑖ, ᐃᓄᐃᑖᑕᑖᑕᑖᑕᑖ ᐃᐃᐃᑖᑕᑖᑕᑖᑕᑖ ᐃᑕᑕᑖ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.